

72

CIMELIA

0	292
---	-----

0	293
---	-----

0	294
---	-----

0	295
---	-----

Kat. 24

Ill. p. May. D. D. Petrus Barzins  
de Blozwin. sig.



292 - 295

CIMELIA

IOANNIS  
GREGORII  
MACRISZEPSII  
DEVERA GLORIA  
LIBELLVS.

In promotione Baccalaureorum pu-  
blice ab ipso Autore in Illustrissima  
Academia Cracouiensi, Anno Domi-  
ni, Millesimo Quingentesimo  
Sexagesimo secundo,  
recitatus.

ODE SAPPHICA.

Gloriam virtus parit, & gubernat:  
Gloria at Pulchrum sequitur, Bonumq̃:  
Est Deus Pulchrumq̃, Bonumq̃ summum, &  
Gloria, solus.

Gloria in cœlis Deus est perennis:  
Gloria in Mente est Patris ast imago:  
Gloria in terris Sophia est bonorum, &  
Inclyta virtus.

CRACOVIÆ.  
Lazarus Andreę imprimebat.



PRÆCLARO ET  
NOBILI DOMINO ANDRÆ  
SCHADKOVIO, SALINARVM  
CRACOVIENSIVM NO-  
TARIO:  
STVDIOSORVM FAVTO-  
RI OPTIMO:

Ioan: Gregorius Macer Szepsius.

**H**ERMES ille Trismegistus, ANDREA Nobilissime, qui primus inter Philosophos, à Phisicis & Mathematicis disciplinis, ad Diuinorum contemplationē se transferens, primus de maiestate Dei, Spirituū ordine, Diuina in animas ac mentes inspiratione ac influxu disputauit, ideōq; primus antiquæ Theologiæ autor est appellatus: ut breuibus, quid Gloria, & vnde petēda, atq; etiam quomodo comparanda esset, mortalibus proponeret: in hæc verba in Dialogo cui titulus est Sermo sacer, inquit: GLORIA omnium DEVS: Diuinū, Diuina natura. Pulchrum sanè & breue dictum, utinam omnibus gloriā amantibus pateret. Proculdubio vidit Diuinus Hermes multos gloriam querere, inuenire paucos: vel quia nō debite quaerunt, vel

runt, vel quia vbi querenda sit ignorant, vel quia difficultate deterriti in medio cursu subsistunt. Quare quò ijs viam aliquam præmonstraret, quò quandā animi inclinationē ad gloriā haberent: quid sit gloria, vbi inueniatur, & quomodo comparatur: breuissimè cōprehendit. GLORIA itaq; omnium rerum in toto Vniuerso, tam Intelligētiarum, quàm Hominiū, rerumq; ad vsum humanum conditarū, DEVS ipse est, immensa Pulchritudinis, mimēsi Luminis, immensa Bonitatis autor, & opifex: imò ipse immensa Pulchritudo, ipse immensum Lumē, & ipse immensa Bonitas est, ipseq; immensa GLORIA est. Quandoquidē tam ampla Bonitas est, quàm existentia rerū omnium tū corporalium, tum etiam incorporealiū, sensibiliū, & intelligibiliū: vnde, Bonum est ipse DEVS, ipse Gloria, qui Bonum & Gloria, non secundum honorationem, sed ipsa sui natura super essentiā, est.

Quisquis itaq; Gloriā appetit, in Diuinis eam querat, id est, in Diuinitate, quæ est essēcia DEI, DEUS enim ipse etiam super essentiā. Per participationem nanq; Diuinitatis & essentiæ Dei, Diij plures sunt tum inter Spiritus & Dæmonas, tum inter Homines: per ipsam verò super essentiā Vniūnem, DEVS vnus est. Vnde nullus eorum, qui im-

A ij mortales



mortales cuncti Dii, nomine Dei honorantur, tam bonus esse potest, quam DEVS vnicus: bonus autem per participationē bonitatis DEI fit, & Deus honoratione Boni dicitur, in qua iam Gloriam adeptus est. Ad hanc verò non peruenit quisq̃, nisi seipsum cognoscat, portionem scilicet Mētis, quæ DEVS est, esse. Quoniā omnium pater Deus, ex quo Homo natus est, ex Vita & Luce constat: quare qui seipsum cognoscit ex vita & luce compositū, is ad vitam rursus, Lucemq̃ transcendet, ut in Deum transeat, quod solis ijs, qui per participationē Diuinitatū, boni, pii, puri, religiosi, iusti q̃ sunt, cōceditur. Hi namq̃ vitā sensibile, & desideria prauæ voluptatis fugientes, vitam viuunt contemplatiuam: quare & corpus eorum materiale alteratur, & species ipsius sensibilis, delitescit quasi insensibilis, & morū ociosus habitus dimittitur, & sensus corporei ad animā & mentē refluunt, Ira & Concupiscentia exterminatur, Ratio & mens, per harmoniā Mūdi Coelestis recurrit ad supera.

¶ Ibi igitur primæ quidē Zonæ, Lunariq̃ orbi gubernatori harmoniæ, augmenti diminutionisq̃ reddit officium. Secundæ, machinationem malorum, & ociosumq̃ dolum. Tertiæ, Ociosam concupiscentiæ deceptionem. Quartæ, Imperiosam atq̃ inexplebilem ambitionem.

lem ambitionem. Quintæ, Profanam arrogantiā, & audaciæ temeritatem. Sextæ, occasiones diuitiarum prauas & ociosas. Septimæ Zonæ, Saturniq̃ orbis gubernatori, mēdaciū insitum. Tunc itaq̃ Animus harmoniæ coelestis mundi motiones excutis, ad optatam naturam vitæ lucisq̃ reuertitur, vim propriam habēs: vnaq̃ cum illis, qui ibi sunt, Spiritibus, Patrem laudat DEum omnium: Tandemq̃ in Potestatum numerum se conferunt, effectiq̃ Potestates DEO fruuntur. Atq̃ hoc est Summum Bonum, & vera Gloria omnium, quibus cognoscendi fors competit, Diuinitatē consequi, Deumq̃ fieri, quod Hermes Diuinā naturam dixit.

Huiusmodi veræ Gloriæ descriptionem, quantum potui, hoc carmine, Nobilissime Andrea, imitatus sum: quod postquā ego publica voce in hac amplissima Regni Poloniæ Academia, declamassem, & amicis flagitantibus, in publicum adere cōstituissem: priusq̃ sub prælum darem, doctissimo Philosopho & Medico, Anthonio Schnebergero, P Tigurino, legendum obtuli. Is ubi diligentius perlegisset, protinus, plurima de tua integritate, Virtutibusq̃, quibus ad veram Gloriā semper cōtendis, referens, ut tibi dedicare, me adhortatus est: cui tantò etiam libentius parui, quanto plura humani

A iij ra humani



ra humanitatis, ac beneuolentia tua in liberali-  
um disciplinarum Studiosos, Encomia ex Geor-  
gio Molitore, viro optimo, cum quadam iucundi-  
tate perciperem: quantòq; maiori desiderio, me  
in notitiam, & amicitiam viri, vere Glorix stu-  
diosi, peruenire optarem. Quare, vt tua fert hu-  
manitas, exiguum hoc ignoti Amici mu-

nusculum, non ingrata fortassis ma-

terix, equi boniq; consules: &

te sponte tua currentem,

ad veram Gloriam

magis etiam in-

citabis.

Vale.

Datum Cra

couie Anno Domi-

ni M. D. LX. II. pri-

die Calend. Iunias.



# IOANNIS GREGORII MACRI SZEPSII,

DE VERA GLORIA LI-  
BELLVS.

**I**llustri Iuuenum Phœbo dilecta corona,  
Gloria num penitus quæuis spernenda putetur  
Magnanimo, fortiq; viro, vel fortè sequenda  
Interdum fuerit, liceatq; ambire decenter  
Et famam, & laudes: præsentî carmine tandem  
Querere constitui. Vos ô Sanctissima Diuûm  
Numina, quos Cytharæq; iuuât, et carmîa laudû,  
Quiq; coli sacris optatis ritibus aras  
Æternûm vestras: quarenti, numine dextro  
Aspirate mihi, iustasq; in carmina vires  
Sufficite. Huc Clio Musarum maxima, clarum  
Tollere cui fas est vera cum laude cacumen,  
Dirigito gressus, felix rege carbasa nostra:  
Tuq; adeo primûm, quem circum Gloria semper  
Vera nitet radijs Phœbum exuperâtibus omnè.  
Adsis Sancte DEVS, tu solus Gloria nanq;  
Vera es, tu vero lûstra mihi lumine mentem,

Impetus



*Impetus ut veri confurgat carminis acer.  
Vos quoq; doctrina celebres, atq; arte Magistri  
Ingenua clari, & Musis dilecta luventus,  
In mea pacatos, oro, date carmina vultus.*

*Nil adeo est homini propriū, q; querere iustis  
Laudibus æterno victuram tempore famam:  
Nec minus est homini propriū, q; querere falsis  
Laudibus exiguo morituram tempore famam:  
Quod magis ut videas, animi fac lumina pande.*

*Mens humana, Dei sanctissima portio summi,  
Ut perhibent Vates coelesti numine Diuū  
Afflati, similis semper cupit esse Parenti  
Supremo, seseq; mouens rimatur ubiq;  
Omnia, quīs monstret Diuina ab origine natam,  
Æthereūq; homini se missam ab sedibus esse.  
Ipsa suis igitur pennis feliciter vsa  
Transuolat immensi sublimia culmina cœli,  
Spirituūq; sacro laudantum carmine Patrem,  
Concilio sese miscet, Sanctūq; videndo,  
Laudandoq; DEum, fit & ipsa simillima Sancto,  
Cunctaq; sancta cupit fieri, facere, atq; tenere,  
Laudariq; hominum sanctorum laudibus æquis,  
Ut laudata canat Patri plenissima laudum  
Carmina supremo, seseq; accommodet illi.*

*At si corporeis Mens est depressa maligne  
Sordibus*

*Sordibus, ima petens in tartara corruit atra,  
Vmbrarūq; feras formas, & dedecus haurit  
Horrendum, & summo sic fit contraria Patri,  
Degenerans multis à Sancto erroribus ipso.  
Hæc est quam nullis pulcherrima gloria tangit  
Laudibus: At si forte petit quandoq; cupitue  
Laudari, falso venatur nomine laudem.  
Huius sunt anima, quotquot vesana libido  
Falsarum laudum tumido facit ore superbos.  
Quiq; parum si forte boni fecere, vel extra  
Consilium, aut casu, nimium super æthera tollunt  
Grandistrepis verbis, reboantq; immania dicta,  
Contemnunt alios, plura, & maiora frequenter  
Qui bona constantis faciunt conamine vita:  
His merito dictum est Epicuri *ἀεὶ καὶ βίωσας*.  
Pulchrius est latuisse, malis quàm querere laudē  
Artibus, & vitio Pulchrum prætere turpi.  
Non hæc est animo gratissima gloria Sancto.  
Ille etenim summum spectando lumine Patrem  
Diuino, pulchroq; DEO pulcherrima suauī  
Carmina Spiritibus cum sanctis mente canendo,  
Supra terrenos pulcher confurgit honores,  
Contemnitq; aure vulgaris turgida vela.  
Quippe DEO similis, vera vult laude perennem  
Ad seros famam producere posse nepotes.*

B

Hinc



Hinc animo surgit rerum contemptus earum,  
Quæ fluxæ modico mansurum tempore nomen  
Conciliant, vel quæ possint seducere mentem  
A Patris ætherei aspectu, cœcisq; tenebris  
Mergere: quæne etiam pœnas & vincla meretur.  
Contrâ ubi Diuinum quicquam cognoscit inesse,  
Huc rapitur totis subito, velut incita nauis,  
Viribus, vt quicquid Diuinum repperit, illud  
Omne sibi acquirat, proprium reddatq; Beatum  
Scilicet hoc nactus se perspicit esse, suamq;  
Hanc laudem, nullo morituram temporis æuo,  
Agnoscat, quod habet Diuino in munere partem.  
Nec veram mentis tu laudem hanc esse putârû,  
In qua non aliqua est Diuini portio Pulchri.  
LAUS siquidẽ vera, est pulchrarû ppria rerû.  
Atq; ipsum Pulchrû Deus est: hûc ppter habetur  
Pulchrû, quicqd habet non falsò nomina Pulchri.  
Ipsam quippe Bonum, Pulchrû præcepta Platôis  
Esse docent: ipsamq; Bonum, Deus ipse, perennis  
Fons, & origo boni, est: à quo bona cuncta per ònẽ  
Naturã manant, qui quicquid in æthere summo,  
Vel maris immensi cœco facit aquore, terræ  
Visceribusuẽ tegit, bona sunt: vertuntur eodẽ  
Et Deus, & Pulchrû, atq; Bonû: Diuinaq; cuncta  
Sunt bona, sunt etiã pulchra: et Mens ipsa sup̃i  
Pars

Pars est quãdoq; Pulchri, Bona sit quoq; oportet.  
At veluti Phœbus nunq; sine lumine claro  
Esse potest, ignemq; calor comitatur ubiq;  
Sic bona si quæ sunt, pulchrû comitatur, at ipsû  
Pulchrum laus sequitur, post laudẽ gloria famæ.  
Humanam idcirco deletat gloria Mentem,  
Gloria, quam Pulchrû atq; Bonû peperere, Deoq;  
Finitimam fecere Boni rationeq; Pulchri.

GLORIA nil igitur, nisi laudis verus honesta  
Dicitur effectus, ceu splendor Apollinis ortus.  
LAUS verò est hominum, Diuino lumine mentis  
Omnia qui cernunt, sermo: quo pulchra fatentur  
Et Diuina virum quenquã reperisse, & habere:  
Qui, q; habet Diuina, bona, et pulchra, idẽ pbatur  
Esse Deo similis, ipsi pulchroq; bonoq;  
Cui similem fore se mens humana appetit: vna  
Hac siquidem vera est felicitis gloria mentis,  
Si quando Diuinum aliquod, pulchrumq; bonûq;  
Consequitur, similisq; Deo, Pulchroq; Bonog;  
Redditur, & meritam possessò numine laudem  
Accipit. Hæc etenim se concomitatur ubiq;  
Nunc quibus in rebus Diuinũ querere pulchrũ  
Est opus, expediam, quò constant singula vero  
Ordine, propositam petat & mea cimbula ripã.  
Maxima pars hominũ decepta Cupidine cœco,

B ij Quæ tellus



Quæ tellus imis procreat preciosa metalla  
Visceribus, summum esse bonum arbitratur, et amens  
Diuitijs alios præcellere quoslibet optat.  
Scilicet hanc stulti censent vitam esse beatam,  
Auro, atq; argento laquearia celsa nitere,  
Mille domi terra defossas condere cistas  
Expletas auro, gemmisq; è Gange petitis:  
Extrema hæc Asia cōductis mercibus, omnem  
Diffluere in mundum, cœcumq; requirere Plutū.

O miseri, verè miseri, quis talia curæ,  
Quisq; ita decepti, non cernitis vnde petenda  
Gloria sit constans, nullo interitura sub ævo.  
Non opibus famam quæsitis tollere ad ætra  
Victuram fas est, perit vna gloria famæ,  
Diuitiaq; tibi quæ illam peperere, fugaces.

Diuitiæ, fumo similes, nebulaq; volanti,  
Alta petunt semper, replentq; cupidine pectus  
Immensa: at summum cum iam tenuisse putares,  
Vnde excreuerunt, rursus labuntur eodem.

Quisq; sibi felix poterat prius esse videri,  
Hunc faciunt lapsæ miserū, lachrymisq; madentem.  
Cræsus vt impositus flammæ est, miserabile clamās  
Solonem, miserum plus Iro se esse fatetur:

Diuitiæ, instabilis fortunæ munus avarum,  
Reddere felicem falso, miserumq; putantur,

Non etenim

Non etenim quia possideas nongenta talenti  
Millia de fuluo radiantis splendidus auro,  
Idcirco felix meritò fueris, beatus.  
Diues eris, quia diuitias opulentus habebis:  
Interea ast cœcum, velut æquore tetra vorago,  
Pectus auaritia feruebit, amore nefando,  
Contemptuq; Dei, rixis, ira, atq; furore,  
Contemptu socij, & cognati sanguinis, & sic  
Impius, iniustus, mendax, deceptor, iniqua  
Omnia miscebis diuina humanaq; lance:  
Iustitiam vendes auro, peccata remittes,  
Splendentesq; dabis titulos, mercabilis auro  
Totus es, & Midæ similis, similiq; rudenti.  
Hæcne tibi famam poterunt afferre perennem?  
Qualis ab his vitijs surgit tibi gloria laudis?  
O si conspicias quantum miser inuia quæras  
Auiæ, quamq; erres longè à ratione, bonoq;  
Iudicio, forsân citius resipiscere posses:  
Quodq; in diuitijs Diuinum clauditur, æquis  
Id spectans oculis, cuperes Diuinus haberi,  
Quam diues, multò magis: Hinc tibi gloria vera  
Surgeret, hinc claro pulsares vertice Olympum.  
Nam Deus æternus, bonus, immensusq; potensq;  
Æternum, immensumq; bonum diffundit: inersq;  
Ne sua torpescens immensa potentia dici

B ij

Possit,



Possit, agit semper bona: sed ne quando bonorum  
Copia deficiat, semper vult posse, potestq;  
Sufficit ergo sibi semper, funditq; per Orbem  
Immensum, sine fine bonum quodcunq;, suasq;  
Diuitias tribuit, ditissimus ipse bonorum.

Hic hominē sibi cōsimilem quia reddere curat,  
Et vult posse hominē bona semper qualibet aptē  
Efficere, & latē toto diffundere mundo:  
Nam quodcunq; bonū, quantō diffusius ipsum est  
Vltius, tantō perfectius esse probatur:  
Ergo materiam fecit preciosa metalla  
Vnde potens reddatur homo diffundere largē  
Diuitias miseris, & dura sorte peremptis.  
His verō miseros veluti loca propria fecit,  
Diducantur opes in quā & benefacta potentum.

At nunc, proh Superi, quis diues talia pensat?  
Quis curat similis benefactō euadere vobis?  
Non cernunt miseri Diuinum amittere sese  
Id, quod Diuitijs semper voluistis inesse.  
Materiam seruant, odio est sed terminus, ad quē  
Materia affectat ferri, vt releuaret egenos.  
Nemo dispensat, quas sumpsit cœlitus, auri  
Diuitias: Omnes festinant condere terra,  
Quas effudit opes tellus: aut abligurire.  
Omnia luxus habet: Contemptus pauper ubiq; est

Vos igitur

Vos igitur, quibus est opibus proferre cupido  
Laudes, & famam spacioſo extendere in orbe,  
In miseros conferte bona: & splendescite largi.

Pars alia est hominum, brutorū more voluptas  
Quam scelerata iuuat, cuiq; hæc est gloria summa,  
Si viuant, olim ceu vixit Sardanapalus:  
Nullaq; cura boni, iusti, iniustiue fatiget  
Pectora, semineas nedum attingentia mentes.

Non hæc delitias homini Deus ille Deorum  
Proposuit, cœli summo qui vertice vitam  
Tranquillam ducens, tranquillam ducere vitam  
Vult hominē. At quidnā trāquilli feda voluptas  
Continet? Immodicis affectibus omnia turbat,  
Hinc amor, inde odiū conferto milite pugnant:  
Horrida castra locat Metus et spes, Zelus et ira,  
Nunc Rabies tumidis furit immanissima buccis,  
Tristes nūc lachrymas facies miserabilis haurit.

O pulchrā certē vitā, en quā grata voluptas,  
Quot stultas hominū turbas demittit ad orcum?

Delitijs laudem vobis qui queritis vllam,  
Vos in delitijs Diuinum agnoscite Pulchrum,  
Vnde potest tantū laus recto surgere iure.  
Atqui delitiæ Diuinū procul vndiq; tactus  
Sensa fugant, purisq; animi virtutibus herent.  
Hæc tibi tu forma, quō Mens, Ratio, atq; voluntas,

Iudicium



Iudicium, & varijs phantasia mixta figuris,  
Concordent in idem, fiatq; Harmonia iusta.  
Hæc sola est Superis gratissima narq; voluptas.  
Hæc contemplari, necnon quandoq; tenere  
Laus hominis vera est, Diuinæq; æmula laudis:  
Nanq; ita terrenus, cœlestia gaudia sumit  
Intellectus, ouans tranquilla per ocia mentis:  
Ac velut æterna in patria, iam lumine cernens  
Abstracto à sensu Dominum, coniungitur illi.  
Dij Superi, quàm dulcè sapit coniunctio vestri?  
Quàm paucis hominum sensu sine nota voluptas?  
Quàm multos perdit cum sensu mixta voluptas?  
Robore corporeo pars est contenta, putatq;  
Laudari dignum, fuerit si corpore vasto,  
Viribus immësis, magnum quibus æquet Atlæta:  
Cor licet imbelles habeat sub pectore motus,  
Degeneresq; animos, sensus, moresq; scelestos.  
Hi quoq; Diuinum non possunt cernere Pulchrũ,  
Sed procul errantes, fragiles in corpore vires  
Nominis æterni sperant adducere laudem.  
At qui corporeis laudes è viribus optas,  
Aspice Diuinum Robur, quo cuncta tuetur,  
Et regit, excelsi, mundum, dominator Olympi.  
Atq; vt centimanes disiecit in igne Gygantes  
Æthereo, contra qui prælia sæua mouebant,

Viribus

Viribus inijcerent dum vastis Pelion ossa.  
Aut veluti sanctæ crudelès dissipat hostes  
Religionis, iter qui clari ad culmina cœli  
Obstruere, & populis pugnant occludere iustis.  
Sic tu, si Patriæ, si puræ Religionis  
Surgentes cernis metuendis viribus hostes,  
Progredere, & pugnans aras defende focosq;  
Sic tibi perpetua venient cum laude trophœa:  
Sic simitibus fueris, Romano aut Coclite maior,  
Maior & illo vno, qui cunctans restituit rem  
Romanam, vires compefcens Principis Aphri.  
Nunq; cœlesti descendit robur ab aula  
Clarius, ac Patriæ cum defensoribus equis  
Numine Diuino belli pater arma ministrat:  
Aut cum pro sanctis tutandis ritibus, atq;  
Pro templis Diuinis, contra impia pectora surgit  
Bellipotens Mauors, & perfida concutit arma.  
At quos vindicta succendit flamma scelestæ,  
Aut magni rapit imperiosa superbia Regni,  
Aut quos regnandi tenet ambitiosa libido,  
Sint quamuis bello fortes, & Marte superbi,  
Sint tunc etiam terre domitores, atq; potentes  
Imperio domini: non hinc tamen ulla sequetur  
Gloria, Diuinum cuius sit fons & origo.  
O quibus est robur generosi pectoris ingens,

C

Soluite



Soluite vos fœdis affectibus, ira, furorq;  
Indictæ iniusta, regniq; superba cupido,  
Nūc decet has vires: animi hæc sunt signa scelesti.  
Vilescunt vires ubi virtus exulat alma.  
Cæcus Auentini fur montis, robore vasto,  
Vulcaniq; patris fumanti strennuus igne,  
Terror erat populis, labor Alcidiq; paratus:  
Nec in hîc laudē, quā rettulit Hercules, aufert.  
Istæ adeò famam vires augere perennem  
Non possunt, quin dedecori quandoq; ministrant.

Quid vos, iactantes formam, facietis, amœnam?  
Quæ dabit rugis facies obnoxia laudem  
Vuln'uram longo fugitiui temporis æuo?  
Quod perit, et, facili casu violabile, floret,  
Nulla potest illinc acquiri gloria constans.  
Laudent Helenæ mirandam carmine formam  
Scriptores Graij, nimium fugitiua sequentes:  
Sed meretrix, totū quæ sanguine miscuit œquor,  
Indigna est veri memorari carmine vatis.  
Cecroia stulta furit, si formæ percita raptio  
Nulla decem totos crudelia iustinet annos.  
At si bella pudor mouit, vindictanè culpæ,  
Nullitæ poenas merito luit eruta Troia.

Gloria si, formæ, tibi firma, valore, paranda est,  
Aspice Diuinum, formæ quod gratia claudit,  
Idq; para:

Idq; para: Vt veluti corpus speciosa figura  
Exornat, virtus animum sic inclita, sancto  
Ornatu decoret, similem reddatq; Tonantis  
Ingenio, qui fons virtutum amplissimus, ipsum  
Pulchrum diffundit per partes quaslibet orbis.  
Inspectanda tibi mentis specularia pure  
Sunt, adq; ætheream cœli referenda figuram,  
Hinc DEus, æterni pulchri pulcherrimus autor,  
Noscendus, totiq; imitandus viribus, ut sis  
Illi consimilis Pulchro. Hæc est gloria formæ  
Quandoquidē pulchræ, quā nulla peremerit ætas.  
Forma, velut rosei flos ornatissimus agri,  
Mane nitet, medio flaccescit Sole repente,  
Inde cadit, pulvisq; putris vilescit, humusq;  
Efficitur: Formæ sic transit gloria vana  
Atqui Mens ipsi virtutibus addita Pulchro  
Si quid fortè mali vitij celestia motu  
Sidera suggererēt, procul id procul usq; repellit,  
Affectusq; domans Diuinum querit ubiq;  
Pulchrum, sicq; Deo similis sine fine nitescit.  
Vos quoq; qui magnis famam celebrare studentis  
Imperijs, animi splendoreq; magna volentis,  
Quæ non communis sunt ascribenda popello:  
Affectus cordis vobis ante omnia cure.

Ah nimium sapitis terrena condita sæce,  
C ij Magna;



Magnaꝫ dum vobis animo proponitis alto,  
Parua nimis, paruo mansuraꝫ queritis auro.  
Si tantum est animis regnandi dira cupido,  
Vt solum pulchrum dominari posse putetis,  
Et splendore leui periturum querere nomen:  
Quid queso vobis dicemus stultius? an quod  
Ex te laudari, per te immortale manere  
Debet, quod sine te nullo fulgescit honore,  
Hinc tibi perpetua speranda est gloria laudis?

Erratis miseri: Diuinum querite mixtum  
Imperijs, illincꝫ eternum sumite nomen.  
Hoc verò vobis quò possit notius esse,  
Imperium summi sic vos perpendite Regis.  
Iustitia iustus DEus omnem temperat orbem,  
Omnibus est equus, nec perfida munera curat.  
Diuitijs splendens & dura sorte vilescens  
Nil variant illic: equum Ius omnibus ipse,  
Imperiumꝫ suo simili moderamine Reges.  
Exigit à vobis: Leges, Iurisꝫ statuta  
Inuiolata petit, se per vos vultꝫ referri:  
Affectus reprimi vestros, & corda superba  
Tantò plus illi vos soli subdere, quantò.  
Altius humanis vobis concessit habere  
Culmen in imperijs. Huc vos virtutibus auctos  
Conferte, & laudem regni referetis habenis.

Feruor

Feruor inexpletus regni si vestra fatigat  
Pectora, iustitiam qui vos perrumpere firmam  
Sollicitat, falsa sequitur vos gloria laudis.  
Hannibal exemplum fuerit, què immensa cupido  
Regnandi, in Latium crudelia compulit arma  
Sumere, quemꝫ etiam cum tristi gloria morte  
Deferuit. Tantum potuit scelerata tyrannis.

Verum qui proavos, & clari sanguinis ortus  
Iactatis miseri, famam vos posse putantes  
Istinc aternam, firmamꝫ tenere: perinde  
Erratis, veluti siquem vesana libido  
Exstimulat famus, hic alijs mandentibus, ipsum  
Se saturum speret fore: sed ieiunia nunꝫ  
Inspiciens alios, nisi se cibet ipse, leuabit.  
Vos spectatores patriæ virtutis, honesti  
Sanguinis egregium splendorem sumere vobis  
Qui cupitis, toto nomenꝫ extendere mundo,  
Sanguinis authores vitiorum labe pudenda  
Eheu, polluitis, temeraria gloria vestra est  
Quidlibet audendi, spernendi fasꝫ nefasꝫ,  
Spernendi quosuis vel eodem sanguine natos,  
Vel simili, vel maiori, vel saepe minori.  
Quæ fera barbaries hæc est? quis cultus honesti?  
Sic decet humanum temni genus? an quia forte  
Diues es, idcirco miseros contemnere debes?

C ij Vel quia



*Vel quia præclaris ortus maioribus, ergo  
Plebeium spernes quamvis virtutibus amplum?  
Non hac conciliant generis victura paterni  
Nomina: quin potius magna esset gloria vobis  
Virtutis vera cultores, quolibet ortos  
Sanguine, siue loco vestras assumere in vlnas.*

*Ne tamē hanc gentis summā laudē esse putato:  
Hic quoq; Diuinum Pulchrum scrutabimur acri  
Iudicio, lucemq; tibi monstrabimus amplam.  
Ille opifex mundi quem virtus optima semper  
Sola iuuat, propriam sibi fecit imaginē habere  
Humanum genus, vt semper Diuina parentis  
Lumina spectaret, semper se nosceret esse  
Diuinam speciem, et pulchrum sequeretur auitū.  
Hoc genus hoc iactet, generis cui gloria cordi est.*

*Iam quibus infracta est Virtutū castra volūtas  
Sancta sequi, et famam factis extēdere pulchris:  
Aspiciunt propius Diuinum rebus in ipsis,  
Et totis animi perquirunt viribus illud.  
Hos non ficta manet constanti gloria laude,  
Nomē at immenso celebrandū semper honore  
Conferet, & titulos etiam post fata perennes.  
O sacra virtutis, nullum peritura sub auum,  
Glorias: quā paucis hominum, vestigia ferre  
Ad te firma, datum est, paucis tua semita nota:*

*Multi*

*Multi degenerant pro veris falsa sequentes.  
Nanq; parens paucis tua noscitur inclita virtus,  
Quæ Regina, poli ad conuexa palatia tendens,  
Altius externis rebus se tollit, & illinc  
Despectans homines, magna in sua regna venire  
Voce iubet: maior sed pars parēre recusat,  
Aspiciens vastos colles, durosq; labores,  
Per quos Virtutis speciosa palatia Diuæ  
Scandere concessit summi Iouis aqua voluntas.  
At quorum melior sedit sententia menti,  
Omnia contemnunt fallacis gaudia mundi,  
Et duris sese exercere laboribus instant,  
Affectusq; domant carnis, pompamq; superbam  
Despiciunt, & quā strictissima semita ducit,  
Ingrediuntur iter virtutis pectore forti.  
Nec mora, nec requies magno datur vlla labori,  
Donec in optata diuina palatia lati  
Regine veniant, fructus referantq; laborum  
Quæritos dubia per mille pericula vitæ.  
Tunc Regina suos blandis complexa lacertis  
Filiolos, laudum confert insignia cuiq;  
Æterno victura die splendore perenni.  
Interea mentes natorum sedula mater  
Artibus instructas diuinis, abdita quæuis  
Natura, quarum possint cognoscere ductu:*

*Ad Sophi.*



Ad Sophiam ducit, Diuina scientia circum  
Quā manet, & placidus crinito vertice Phœbus.

Nunc quibus est cordi doctrinæ gloria magna  
Adueniant, discantq; citi, num Scire beatum  
Efficiat: laudemq; ferat per secula firmam.

Heu quā multiplici mens est caligine prorsus  
Obruta, quātus habet mortales error vbiq;.

Heu quā falsus amor doctrinæ pectora versat  
Inscia, quā paucis est nota scientia vera.

Dij precor his animum tenebris educate, ne me  
Ne precor abripiens obducta Scientia fuco

Perdat in æternum, Patrium lumenq; videre  
Non sinat, æthereis & me depellat ab oris,

Sancta vbi Spirituum versatur turba, Deumq;  
Agnosce, verè scit, quicquid scire decorum est.

O miserum mortale genus, cui ludere cantu,  
Aut cythara, aut pedibus saltus effingere molles,  
Maiori in precio est, quā dogmata scire sophorū.  
Si famam lusu quæris, ludèris vbiq;.

Quid vos Grammatici vestris cum partibus octo?  
Quarum lis semper suspensio in iudice pendet,  
Iamq; adeo incerta est, rerum vocabula pura  
Vt vix vix maneant: Confusio, Barbariesq;  
Vos contra surgit, violentaq; concitat arma,  
At vos pugnaces perplexa voce Sophista,

Quis

Quis Sortes currit, Sortes non currit: et, album  
Possibile est nigrum fieri: Contingit honestum  
Esse voluptatem: Sortem ridere necesse est.  
Arguti nimium, nunq; hæc confertis ad usum,  
Pugnatis verbis, & res amittitis ipsas.

Vos Oratores, quibus est elegantia cure,  
Quid facitis? miseras aures qua lege tenetis?  
Commata diuiditis, sermonis membra secatis,  
Dissectoq; datis membro numerosq; pedesq;.  
O quā difficilis, quā docta sciētia vestra est:  
Quā constans ad vos reditura est gloria facti.  
Qui numeros mutos, vel qui cantare sonantes  
Discitis, & laudem fama speratis: in Odas  
Vos conferte Deūm, Diuos celebrate, grauesq;  
Heroes iusto laudatos dicite cantu.

Sed quid mensuris, spacijs, gnomonibus, horis,  
Atq; astrolabio, venit huc Geometra refertus?  
Inde putat laudem sese fortasse perennem  
Nancisci? poterit si cælos lumine mentis  
Transseat, & Summū metiatur mente Parētem.  
Vane sunt etenim, studio quas discimus artes  
Ingenti, iustas nec possunt addere laudes  
Nominis æterni: nisi sit sapientia summi  
Mixta Iouis: nisi sit fucata scientia longè.  
Quid vos Astronomi? motus qua lege notatis?

D Vmbrarum



*Vmbrarū ratio quid habet cum corpore Solis?  
Quò motus cœli tam clara scientia, si non  
Effectus verè venturos scire potestis?  
Forſitan in vobis non clarè lumina Phœbi  
Perlucēt, Phœbi, cui fas eſt ſcire futura.  
Aut aliter currunt peruerſo tramite cœli  
Sidera, noſq̃ aliter mota tellure mouemur?*

*Proh Superi, quāta medicus cū mole mouetur?  
Quām grauis eſt? vultu quā magna ſcientia rerū  
Hæret in elato? ſed quid miſerabilis æger  
Clamitat? an morbum neſcit depellere triſtem  
Garrulus hic Doct̃or, tam lata fronte ſuperbus?*

*O vos mēdici Medici, quò veſtra receſſit  
Lex, Medicus quam vos Couſeruare iubebat?  
Vos luxu ventris nimio torpetis iniqui,  
Libros non legitis, dormitis nocte dieq̃:  
Nomen Doct̃oris ſolū ſatis eſſe putatis,  
Nec miſeris affertis opem medicamine morbi.  
Non Natura parens medicos vos arte creauit,  
Aſt indocta mālō mentis Lactantia faſtu.  
Quid Clyſteria vos pingui cum iure per aluum  
Mittitis inuerſam, quorum non cernitur uſus?  
Tot Syrupos, hauſtus, vincturas, cumq̃ veneno  
Mercurij Stibium, miſeris ceu tormina mortis  
Ægris præbetis, donec deſcendat ad Orcum*

*Spiritus*

*Spiritus expulſus diri medicaminis uſu.*

*Vos quoq̃ Iuriſta iuſtum diuenditis auro,  
Perplexas legum voces, actusq̃ mouetis  
Mille modis cautos, nec egentum cura fatigat  
Pectora veſtra: Auro venales, viuitis auro.  
Ecce Poetellorum grex furioſior, inflat  
Magniloquas buccas, numerat digitoq̃ reflexo  
Indicis articulos, Epigrammata diſticha ſecum  
Murmurat attonitus, rugoſa fronte ſeuerus.  
Hunc modo tu turbare caue, furit, eminus eſto.  
Diſticha perpetuum nomē duo nanq̃ merentur:  
Scabri ſint quamuis verſus, pleniſq̃ ndore,  
Situe etiam ſenſus nullus, modo ſyllaba conſtet  
Carminis, aut etiam ſi ſyllaba ſæpè labatur,  
Illo ſi fuerit compreſſum carmine, Phœbi  
Nomen, vel Muſæ, vel Diuæ: carminis illi  
Materies fuerit quamuis incongrua Diuæ.  
Verūm, Diua nouæ forſan permota decore  
Materiæ, grandi fuerit mage blanda Poëtæ.  
O vos artiſta miſeri, reſpiciſcite quaſo:  
Aut ſanctas artes vera pietate colatis,  
Aut pēitus pēitus procul hic pcul ite pſani.  
Nō hic nō modus hic querēde eſt laudis hōeſtus  
Quin pudor inde redit, nomen cū corpore buſtū  
Intrat, & æternæ tegitur caligine noctis.*

*D j Atſe*



At si doctrina fuerit mens amula vera,  
 Virtutisq; sacra penetralia celsa subibit,  
 Continuo hanc Virtus Diuino amplexa nitore,  
 Supra naturam, coeliq; volubile culmen,  
 Tollere conatur: sanctusq; immittere turbis  
 Spirituum, puro Intellectu vbi cernere possit  
 Primum virtutum fontem, Pulchriq; parentem,  
 Autoremq; boni Dominum, quem gloria semper  
 Sancta colit: non humanis celebrata camœnis,  
 Sed quam carminibus pangunt sine fine canētes  
 Angelicæ turmæ, Seraphim, Cherubiq; Throniq;  
 Huc vbi mens virtute potens peruenerit, oēm  
 Despiciat humanis cantatam laudibus alma  
 Gloriam famæ, quæ scilicet umbra tenebris  
 Obscurata iacet, Superiū si gloria vera  
 Spectetur: per se Bona qua celebrante relucet:  
 Quæq; ipsum Pulchrū laudes sibi sufficit æquas.  
 Hæc igitur vera est celestis gloria Regis.  
 Huic similem, quantum conceditur, expetit ipsa  
 Mens humana: cupitq; æterna laude rigere  
 In sese, aspectuq; frui, vitæq; Deorum.  
 Hanc licet, et fas est laudem perquirere sumo  
 Conatu solam: sed quæ sub imagine Pulchri  
 Clauditur istius, non est spernenda putanda: ast  
 Hæc primum sequitor, post alta ad sidera surge.  
 Nam

NAM leuis est animi Pulchrā cōtēnere laudē:  
 Quæ fructus vera Virtutis, sola perennis  
 PVLlulat, et foetus omnem producit in æuum.  
 Huc properent auro dites, vanamq; repellant  
 Mendaci famæ laudem: LArgiq; nitecant.  
 Istas delicias, quibus in se gaudet in æuum  
 Mēs Diuina, parēt, quib. est adamata voluptas.  
 Huc veniant Fortes, Compti, Regesq; potentis  
 Imperij domini. VIRTutibus ardua sanctis  
 Semita perducit, SOPHIA præeunte sequentū  
 Mentem, in summi Pulcherrima tecta Tonantis,  
 VERA vbi cōtinuo celebratur GLORIA cātū.  
 Qui caret his ducibus, nunq; laudabile nomen  
 Accipiet, nunq; poterit Diuinus haberi.  
 NAM regit affectus Virtus: Sapientia mentē.  
 Nos homines miseri, donec mortale tenemus  
 Corpus in his terris, morbis dubiamq; fouemus  
 In medijs vitam, quanto discrimine vite  
 Tendimus ad famæ peritura monilia fluxa.  
 Quam nimis huic dediti mundo, celestia regna  
 Negligimus prorsus, vel vix inquirimus: ipsam  
 Quinetiam Mortem, per quam sublimia cœli  
 Culmina conscēdit factis anima optima sanctis,  
 Odimus, et veluti pœnam aspernamur amaram  
 O stulti, et cæca miseri caligine mersi,

D iij Qui




Qui fugitis mortem, brutis peiora tenetis  
Pectora, nec mentem quicquam rationis habentem.  
Seruatis, rigidi, duri, vacuique cerebri.  
Bruta suam mortem natura qualibet ipsa  
Cognoscunt, notamque petunt, ubi terminus horæ  
Aduenit: hæc vitæ medio ut de corpore profleret  
Cautius, antra petunt: sunt illis antra sepulchra:  
Aut duros scopulos, aut inuia culmina montis.  
Cygnus auis Phœbi nitidissima, gloria cygnus  
Fiuaci vatum cingentum tempora lauro,  
Phœbeo postquam monitu cognouit adesse  
Horam, qua nitido de corpore spiritus insons  
Aereas habitura domos, repetatur, ad amnes  
Dulce canens, animam Phœbo commendat, et ipsam  
Sponte sua expirans, suauiter cum voce relinquit.  
Nos mortem fugimus, quæ vitæ sola beatæ  
Principium nobis aperit, veramque perennis  
Famæ coelitibus cum sanctis cernere laudem  
Sola facit, purumque pijs recludit Olympum.  
Stulti, qui mortem fugiunt, cum corpore credunt  
Interitura animam, nec quid post fata bonorum  
Vltima posse putant cælo superesse beato.  
At si conspicerent, illic quam Gloria celfo  
Conspicienda throno sedeat, quam luce corusca  
Splendeat, et totum sese diffundat in orbem:

Optarent

16  
Optarent misero se mitti corpore ad astra,  
Optarent mortem, mortem vel sponte vocantes,  
Optarent animam grosse de carcere molis  
Ante Dei citius faciem pertingere posse,  
Cuius ab aspectu profertur gloria vera.  
Sed quia non debet quisquam contemnere vitam  
Cursum, quem firmo statuit Pater ille Deorum  
Fine hominum generi: dum terris vita maneret,  
Virtutis sanctæ, et Sophiæ pia munera Diue  
Quereret: et luxum fugeret, vitamque scelestam.  
Nunc quibus extollam iuuenes, quo carmine laudem  
Nomina vestra: quibus Virtus, Sapientiaque alma  
Tempus ad hoc vitæ est quaesita laboribus æquis,  
Iamque adeo multis ambagibus obruta quondam  
Semitæ, nunc vobis patefacta est. ITE potenti  
Pectore, Virtutemque ducem, Sophiamque sequentes  
Tecta Patris summi vera cum laude subite.  
At vos dilecti Phœbo, Studiose Iuuentus,  
Hos, coram iuuenes quos cernitis alta petisse,  
Exemplum vobis proponite, vosque labori  
Aptate, et sacre Virtutis pectora iussis  
Imbuite, et Sophiam pura perquirite mente.  
Sic nomen vobis æterna laude perenne  
Surget, et æternum vobiscum Gloria viuet.

FINIS.







Uter non vir, videtur non videtur, ut non vir  
inpositione pueri in sambuco. Puer. pag.

174.

Et in hoc uter non inpositione pueri in  
sambuco



